



1. Álagning gjalda 2022.

Bæjarstjórn Akraneskaupstaðar samþykkir að eftirfarandi forsendur verði lagðar til grundvallar álagningu útsvars, fasteignagjalda og lóðaleigu á árinu 2022.

- a. Álagt útsvar verði 14,52% vegna launa ársins 2022.
- b. Álagningarprósentur vegna fasteignaskatts verða eftirfarandi á árinu 2022:
 - i. 0,2514% af álagningastofni íbúðarhúsa ásamt lóðarleiguréttindum erfðafestulanda og jarðeigna skv. a-lið 3. greinar laga nr. 4/1995 um tekjustofna sveitarfélaga (óbreytt á milli ára).
 - ii. 1,3200% af öllum fasteignum skv. b-lið 3. greinar laga nr. 4/1995 um tekjustofna sveitarfélaga (álagningarprósentan er lögbundin og er óbreytt á milli ára).
 - iii. 1,400% af öllum öðrum fasteignum skv. c-lið 3. greinar laga nr. 4/1995 um tekjustofna sveitarfélaga (óbreytt á milli ára).
- c. Sorphreinsunargjald vegna íbúðarhúsnæðis verði kr. 19.256 fyrir hverja íbúð miðað við tvær sorptunnur (ein fyrir almennt sorp og önnur fyrir flokkað sorp) (óbreytt fjárhæð á milli ára). Sorpeyðingargjald vegna íbúðarhúsnæðis verði kr. 16.422 miðað við tvær tunnur (ein fyrir almennt sorp og önnur fyrir flokkað sorp) (óbreytt fjárhæð á milli ára).

Gjöldin verði innheimt með fasteignagjöldum.
- d. Lóðarleiga af nýjum lóðum og endurnýjuðum samningum verði 1,199% af fasteignamatsverði atvinnulóða (óbreytt á milli ára) og 0,3034% af fasteignamatsverði íbúðarhúsalóða (óbreytt á milli ára) og verði innheimt með fasteignagjöldum.
- e. Lóðarleiga af eldri lóðum (samningar dagsettir fyrir 1. janúar 2004) sem lögð er á hvern fermetra (m²) lóðar tekur viðmið af breytingum sem verða á byggingarvísitölu.

- f. Gjald dagar fasteignagjalda á árinu 2022 verði 15. janúar, 15. febrúar, 15. mars, 15. apríl, 15. maí, 15. júní, 15. júlí, 15. ágúst, 15. september og 15. október en eindagi gjaldanna verði 30 dögum síðar eða næsta virkan dag beri hann upp á helgidag.

Heildargjöld sem nema lægri fjárhæð en kr. 25.000 innheimtast með einum gjalddaga á ári, þann 15. apríl 2022.

- g. Veitt verði ívilnun á fasteignaskatti á árinu 2022, til elli- og örorkulífeyrisþega í samræmi við sérstakar reglur bæjarstjórnar um lækkun og niðurfellingu fasteignaskatts tekjulágra elli- og örorkulífeyrisþega.

2. Þjónustugjaldskrár 2022.

Samkvæmt samþykktum bæjarstjórnar Akraness hækka þjónustugjaldskrár Akraneskaupstaðar 1. janúar ár hvert í samræmi við áætlaða hækkun vísitölu neysluverðs samkvæmt forsendum fjárhagsáætlunar sem byggir á þjóðhagsspá Hagstofu Íslands. Heimilt er með sérstækri ákvörðun að víkja frá hinni almennu hækkun.

Bæjarstjórn Akraness samþykkir að þjónustugjaldskrár Akraneskaupstaðar hækki um 3,5% þann 1. janúar 2022 nema annað sé sérstaklega tilgreint í viðkomandi gjaldskrá.

Með vísan til framangreinds samþykkir bæjarstjórn eftirfarandi gjaldskrár vegna ársins 2022:

1. Gjaldskrá leikskóla (einstaka liðir taka hækkun sem nemur 3,5%)
2. Gjaldskrá vegna skólamáltíða (einstaka liðir taka hækkun sem nemur 3,5%)
3. Gjaldskrá frístundar (einstaka liðir taka hækkun sem nemur 3,5%)
4. Gjaldskrá dagstarfs (einstaka liðir taka hækkun sem nemur 3,5%)
5. Gjaldskrá Tónlistarskóla Akraness (einstaka liðir taka hækkun sem nemur 3,5%)
6. Gjaldskrá íþróttamannvirkja (einstaka liðir taka hækkun sem nemur 3,5%, einstaka gjaldaliðum breytt og nýjum gjaldaliðum sem vantaði bætt inn.)
7. Gjaldskrá fyrir heimaþjónustu og heimsendingu matar (einstaka liðir taka meiri hækkun en sem nemur 3,5%)

8. Gjaldskrá Bókasafns Akraness (einstaka liðir taka hækkun sem nemur 3,5%)
9. Gjaldskrá Héraðsskjalasafns Akraness (einstaka liðir taka hækkun sem nemur 3,5%)
10. Gjaldskrá Ljósmyndasafns Akraness (einstaka liðir taka hækkun sem nemur 3,5%)
11. Gjaldskrá Byggðasafnsins í Görðum (einstaka liðir taka hækkun sem nemur 3,5%)
12. Gjaldskrá um hundahald á Akranesi (einstaka liðir taka hækkun sem nemur 3,5% og afsláttarkjör vegna námskeiðs forráðamanns hækkuð í 50%)
13. Gjaldskrá um kattahald á Akranesi (einstaka liðir taka hækkun sem nemur 3,5%)
14. Gjaldskrá Akranesvita (einstaka liðir taka hækkun sem nemur 3,5%)
15. Gjaldskrá Tjaldsvæðisins á Akranesi (sértæk ákvörðun í samvinnu við þjónustuveitanda)
16. Gjaldskrá vegna sorphirðu og sorpeyðingar á Akranesi (óbreytt á milli ára)

3. Fjárfestinga- og framkvæmdaáætlun 2022.

Bæjarstjórn Akraness samþykkir að ráðstafa um 2.439 m.kr. vegna ýmissa fjárfestinga og framkvæmda á árinu 2022 en þar af eru um 800 m.kr. vegna verkefna sem færast frá árinu 2021 yfir á árið 2022. Við framsetningu fjárhæðarinnar hefur verið tekið tilliti til tekna. Stærstu verkefnin sem færast á milli ára eru uppbygging Fjöliðjunnar, íþróttamannvirkja á Jaðarsbökkum og nýs leikskóla í Skógahverfi.

Helstu einstöku þættir fjárfestinga eru eftirfarandi:

- a. Nýframkvæmdir/endurnýjun í gatnagerð, stígum og stofnanalóðum.
Helstu fjárfestingar eru nýframkvæmdir gatna sem felast í að klára götur í Skógahverfi 3A, byrjað á gatnaframkvæmdum í Skógahverfi 3C, Flóahverfi og innan Sementsreits. Haldið áfram í endurgerð gatna þ.m.t. Garðagrund sem og við endurgerð grunnskólalóða. Heildarfjárfesting að teknu tilliti til tekna kr. 287,9 m.kr.

- b. Fasteignir, stærri verkefni, samtals að fjárhæð 169,7 m.kr. Helstu verkefnin eru fjölnotabygging á Fjöliðju, Virk og Þorpinu, áhaldahúsi ásamt dósamóttöku og haldið áfram í breytingum í Brekkubæjarskóla.
- c. Fasteignafélag Akraneskaupstaðar, samtals að fjárhæð 1.563 m.kr. að teknu tilliti frádráttar vegna endurgreiðslu virðisauka. Stærstu einstöku verkefnin eru að klára byggingu nýs leikskóla í Skógarhverfi, fyrsti áfangi í uppbyggingu íþróttamannvirkja Jaðarsbakka og endurnýjun á C álmu í Grundaskóla.
- d. Uppbygging nýrra svæða, samtals að fjárhæð um 10 m.kr. en um er að ræða framkvæmdir á svonefndum Dalbrautarreit.
- e. Aðrar framkvæmdir og kaup á stofnbúnaði, samtals að fjárhæð um 121,8 m.kr. Helstu verkefni eru kaup á körfubíl fyrir slökkviliðið, endurnýjun á tölvubúnaði, grenndarstöðvar og kaldur pottur á Jaðarsbökkum.

4. Almennt og sérgreint viðhald fasteigna 2022

Bæjarstjórn Akraness samþykkir að ráðstafa um 228 m.kr. til almenns og sérgreinds viðhalds í Aðalsjóði, Eignasjóði, Byggðasafninu og í Fasteignafélagi Akraneskaupstaðar slf. á árinu 2022. Þar af eru aðgerðir sem tengjast rakavandamálum stofnana 65 m.kr.

5. Útgjöld vegna starfsemi á skóla- og frístundasviði Akraneskaupstaðar

Bæjarstjórn Akraness samþykkir að ráðstafa um 3.413 m.kr. króna vegna starfsemi á skóla- og frístundasviði á árinu 2022 sbr. yfirlit um skiptingu á milli málaflokka.

6. Útgjöld vegna starfsemi á velferðar- og mannréttindasviði Akraneskaupstaðar

Bæjarstjórn Akraness samþykkir að ráðstafa um 1.557 m.kr. króna vegna starfsemi á velferðar- og mannréttindasviði á árinu 2022 sbr. yfirlit um skiptingu á milli málaflokka.

7. Útgjöld vegna starfsemi á skipulags- og umhverfissviði Akraneskaupstaðar

Bæjarstjórn Akraness samþykkir að ráðstafa um 76 m.kr. vegna starfsemi á skipulags- og umhverfissviði á árinu 2022 sbr. yfirlit um skiptingu á milli málaflokka.

8. Útgjöld vegna starfsemi sviði menningarmála hjá Akraneskaupstað

Bæjarstjórn Akraness samþykkir að ráðstafa um 241 m.kr. vegna menningarstarfsemi á árinu 2022 sbr. yfirlit um skiptingu á milli málaflokka.

9. Útgjöld vegna starfsemi á sviði atvinnu- og ferðamála hjá Akraneskaupstað

Bæjarstjórn Akraness samþykkir að ráðstafa um 54 m.kr. vegna starfsemi á sviði atvinnu- og ferðamála á árinu 2022 sbr. yfirlit um skiptingu á milli málaflokka.

10. Útgjöld vegna sameiginlegs kostnaðar hjá Akraneskaupstað

Bæjarstjórn Akraness samþykkir að ráðstafa um 495 m.kr. vegna sameiginlegs kostnaðar á árinu 2022 sbr. yfirlit um skiptingu á milli málaflokka.

11. Stjórnmalasamtök á Akranesi 2022.

Bæjarstjórn Akraneskaupstaðar samþykkir með vísan til 5. gr. laga nr. 162/2006 að ráðstafa 2,0 m.kr. til starfsemi stjórnmalaflokka á Akranesi.

Akranesi 9. desember 2021



Sævar Freyr Práinsson

bæjarstjóri